

*2^r

Dem Durchleuchtigen Hochgebornen Fürften vnd
Herrn/Herrn Wilhelmen/ Princen zu Vranien/ Grauen zu
Naffawe/ Catzenelenbogen/ Vianden vnd Dietz/ 7c. Herrn zu Breda/
Diel / Arley/ Warnefton/ Rumpft/ vnd Grymbergen/ Vice-
graffen zu Byfantz vnd Antorff/ 7c. meinem
gnedigen Herren.

DVrchleuchtiger/ Hochgeborner Fürft/ Gne-
diger Herr/ Der Hochlößlich Keyfer Iuftinian/
gibt in feiner Vorrede difer vier Rechts anfangs
vnd vnderweifungs Bücher/ vnder andern zuuer-
ftehen/ vñ zeigt an/ daß er die felbige der Jugent/ fo das Recht
anfänglich lernen/ vnd darnach in der Regierung brauchen fol/
zu gütem/ gantz einfältiger ſchlechter weife/ hab ftellen vnd be-
ſchreiben laffen/ der meynung/ vñ herrlicher vertröftung/ wañ
ſie dariñ wol vnderwieſen/ vnnd geübt ſeyen/ daß ſie als dann
volgendts inn ſeinem vnd gantzem Römifchen Reich an enden
vnd orten/ da jrer von nöten/ zu der Regierung gezogen vnnd
gebraucht werden ſollen. Dañ es zwar ein geringer nutz were/
wann mañ der Rechtsbücher ſchon vil hette/ ſchribe/ leſe/ vnd
lernet/ wann ſie zu dem/ darumb ſie geſchriben/ gelernet vnd ge-
leſen/ fortan nit auch gebraucht werden ſoltē/ nemlich zu befür-
derung/ pflanzung/ vnd erhaltung des Rechtens vnd der Ge-
rechtigkeyt/ darauß dann volget vnnd erwächſt rüwe/ frid
vnd eynigkeyt/ wie folches fürnemlich mit difem feinen Recht-
ſpruch gemeynet wirt/ Parum eſt ius in Ciuitate eſſe, niſi ſint qui ad.
miniſtrent. Nun iſts aber offenbar/ daß niemand das Recht vnd
Gerechtigkeyt zugebrauchen/ zubefürderen/ zupflantzen/ zuer-
halten/ vnd zuhandthaben/ ſo hoch gebürt/ als der Oberkeyt/
Keyfer/ Königen/ Fürften vnd Herrn/ ſo Land vñ Leut zu Re-
giern/ Ampt zubefellen/ vnd die Gericht zuerwalten haben.
Denen allen iſt ſonderlich vnd fürnemlich das Recht vnnd die
Gerechtigkeyt von Gott beuolhen/ vertrawet/ vñ in die hand
gegeben/ daß ſie es wiſſen/ verſtehen vnd brauchen ſollen/ Vnd
wie alle Menſchen auff Erden/ ein jeder etwan zu einem beſon-
dern Handtwerck oder Kunſt von der Jugent auff erzogen
vnd gehalten wirt/ damit er ſein lebenslang umbgehet vnd zu-
ſchaffen hat/ ſich des beſleißet vnd helt/ Alfo ſol der Fürften
vnd Herrn/ ſo Land vnnd Leut zu Regiern haben/ fürnembſt
werck ſein/ das Recht vnd Gerechtigkeyt vben/ ſchützen vnnd
handthaben/ die Ampt vnnd Gericht dermaßen beſetzen (die-

weil sie nit alles felbs außrichtē können/ daß meniglich Recht

* ij

*2^v

Vorrede.

widerfaren möge/ vnnd sich niemandts vnrechtens oder ver-
 gewaltigung zubeklagen habe/ Difem Fürftlichen Ampt vnnd
 werck zu dienft vnd gütem/ hat der löblich Keyfer Juftinian
 die vier Büchlin Inftitutionum auß groffer wolmeynung vnd
 fonderlicher vorbetrachtung der jugent vñ Regierung zu nutz
 durch feinen fürnembften gelertesten Rath Tribunianum ftel-
 len/ vnd in das gantz Römifch Reich Publiciern vnd außgehen
 laffen/ den anfang vñ grund der Fürftlichen Kunft/ des Rech-
 tens vnd Gerechtigkeyt/ als von der Wiegen her darauß zu-
 fchöpfen vnd zulernen/ Darumb zwar niemandt die felben für
 geringe anfehen/ oder verachten/ Sondern vil mehr vmb jrer
 fonderlichen gaben/ vñ nutztes willē/ fie billich hoch vnd werdt
 halten fol/ Dann vil güter Rechts lere vnnd Regel darinn be-
 griffen vnnd angezeyget feind/ Als/ daß die Enckeln den An-
 herrn in die Stämme/ vnd nit in die Häupter Erben/ vnd der-
 gleichen vil andere mehr/ hie zulang zuerholen. Dieweil dann
 der Keyfer Juftinian an ftatt einer fonderlichen verehrung vñ
 treflichen Kleynots/ dife feine vier Büchlin/ das Fürftliche
 Ampt/ werck vnd kunft des Rechtens vnnd der Gerechtigkeyt
 darauß zulernen vnd fallen/ der Jugent anfenglich fürgelegt
 vnd gefchenckt hat/ Deßgleichen nachuolgendts der Keyfer
 Lotharius Saxo/ ein befonderer liebhaber vnnd befürderer
 des Rechtens/ die felben Büchlin Inftitutionum/ fo etliche jar
 durch die vorgehendē Krieg vngeacht verlegen waren/ zu fei-
 ner zeit auch wider herfür bracht/ vnnd der jugent fürgelegt
 hat/ als zuerhaltung Rechtens vñ der Gerechtigkeyt dienlich/
 nützlich/ vnd notwendig/ Wer wolt dann fo grob vnd vnuer-
 ftendig fein/ vñ fagen/ daß dife Büchlin/ ob fie wol klein vñ ge-
 ringe anzufehen/ als der jugent vñ Regierung vnd dienlich/ zu-
 uerachten oder zuuerwerffen feien: Ja es fol jederman billich/
 vnd fonderlich die jungen Fürften vnnd Herrn/ fo zu der Regie-
 rung geborn vnd verordnet/ dem hochlöblichen Keyfer Jufti-
 nian für folich edel gefchenck vñ Kleynot groffen danck fagen/
 vnd feiner vermanung folgen/ daß fie in ftudierung vñ faffung
 difer Rechts Vnderweifung/ vnd Fürften kunft/ fich alfo fleiß-
 fig vnd willig erzeygen vnnd anfchicken/ daß fie dardurch von
 jugent auff zu der Regierung/ als jrem von Gott befolhenem
 Ampt vnd werck tüglich vñ gefchickt werden/ das Recht vnd
 Gerechtigkeyt pflanzen/ befördern/ vnd erhalten helfen/ wie

ſie vor Gott ſchuldig feind/ vnd jhnen zum höchſten aufferlegt
vnd beuolhen iſt/ wöllen ſie anders der bedrawten ſtraffe ent-
fliehen/ vnd des Segens theylhafftig werden/ welche Gott
bei

*3^r

Vorrede.

beide den Fürften vnd Herrn durch den mund des weifen Königs Salomonis verkündigen vñ anzeygen låßt/ Nemlich/ da er spricht: Ein Fürft/ welcher feinen Vnderthanen das Recht auffrichtig vnd warhafftig mitteylet/ vnnd widerfaren låßt/ des ftüle vnd fitz fol feft beftehen/ vñ als je mehr zúnemen/ Aber hinwiderumb den Fürften/ welcher vnrecht thút/ betrug/ vnd gewalt úbet/ wirt der Herr von feinem Regiment verftoffen/ Vnd kompt alfo ein Reich von einem volcke zu dem andern/ 7c. Darumb hat zwar der Keyfer Juftinian nicht allein als ein mächtiger weltlicher weifer Fürft/ fondern auch als ein Gots fürchtiger Chriflicher Keyfer/ dife Anleytung vnd Vnderweifung des Rechtens der jugent zúbereyten laffen/ auff daß fie zu folcher Fürftlichen Tugent/ Ampt/ Kunft/ vñ Werck erzogen/ vnd in Verwaltung Rechtens vnd der Gerechtigkeit/ in difem eufferlichen gemeynen leben/ die Gotfeligkeit gefördert/ fride vnd rúwe/ vnd eynigkeyt erhalten werden mócht/ Vmb welches willen ich dann auch dife arbeyt fürgenommen/ folche vier Büchlin Inftitutionum zuuerteutfchen/ vnnd mit kurtzen gründlichen Summarien der Titel vnnd Paragraphen außzulegen/ wil folches mit der zeit/ wo ich lebe/ verbetteren/ Jetzundt aber dife meine arbeyt/ Ewer F. Gnaden/ als einem Jungen angehenden regierenden Fürften zu Ehren/ in fonderheytt Dedicirt vnd zúgeftellet haben/ mit vndertheniger bitt/ Ewer F. Gnade wolt folchs Büchlin in Gnaden annehmen/ vnnd etwan zu gelegener müßiger zeit lefen/ werden Ewer F. G. darinn fürnemlich dreierley befinden/ Erftlich/ was bei den alten Keyfern im Rómifchen Reich recht/ vnd im brauch gewefen. Zum andern/ was darnach geändert/ abgefchaffet vnd verbettert worden ift. Zum dritten/ was nun hinfür Recht fein/ gebraucht/ erkandt/ vnd gehalten werden fol/ Wo folcher dreier puncten hierinn fleiffig acht genommen/ ift die gantz materi difer vier Büchlin defto leichter zuuerftehen vnd zubegreifen. Thú Ewer F. Gnaden mich hiemit in vnderthenigkeytt beuelhen. Datum Dillenburg am erften tage Septembris/ Anno/ 7c. Ll.

Ewer F. Gnaden
vndertheniger

Iuſtinus Gobler von Sanct
Gewere/ der Rechten Do-
ctor/ 7c.

* ij